




Anotada en el Libro de Resoluciones de la Junta de Gobierno Local, con el núm: RES/AYT/19831/2022 13/09/2022

Area / Unidade RR.HH PE0000 AMG	Documento 1081610C25	
Código de verificación 	Expediente 108/2022/1548	
3K1M 2S4E 3O2F 1270 17YZ	Data 05-09-2022	

Asunto: Cobertura, en comisión de servizos, dun posto de xefatura de Departamento de Emprego (ref. posto 202).

RESOLUCIÓN

ANTECEDENTES DE FEITO

Primeiro.- Con data 12/08/2022 o director da Área de Innovación, Emprego e Comercio e o concelleiro delegado de Educación, Memoria Histórica, Innovación, Industria e Emprego, remiten ao servizo de RR.HH. unha solicitude de convocatoria pública para a cobertura, mediante comisión de servizos, dun posto de xefatura Departamento de Emprego, no Servizo de Emprego e Empresa.

Dita cobertura temporal de posto solicítase porque considerase imprescindible a súa cobertura para poder atender a carga de traballo existente na actualidade no Servizo de Emprego e Empresa.

Segundo.- Con data 12 de agosto de 2022 o Servizo de RR.HH. publica un anuncio de convocatoria para a cobertura temporal, entre outros, do seguinte posto de traballo, en base a petición efectuada polo director da Área de Innovación, Emprego e Comercio:

1. Xef. Departamento (Unidade Organizativa de Emprego, Servizo de Emprego e Empresa), referencia 202.

No citado anuncio, indicase o persoal funcionario de carreira, que conforme a RPT vixente e as normas de xestión, reúnan os requisitos necesarios para a ocupación de este posto de traballo e que queiran participar nesta convocatoria, deberán presentar a correspondente solicitude nun rexistro municipal ou na sede electrónica, acompañada dun currículo, no prazo de 5 días hábiles, a contar desde a publicación deste anuncio.

Terceiro. As características do posto de traballo a cubrir, segundo os datos que constan na Relación de Postos de Traballo vixente, son as que se detallan na seguinte táboa:

Servizo	Código	Unidade Org.	Posto	Ref.Posto	G	N	Esc	C.E.
Emp. E Empresa	PS1000	Emprego	Xef. Departamento	202	A1/A2	26	AX/AE	FR12 ED

CONSIDERACIÓNS LEGAIS E TÉCNICAS

Primeira.- O artigo 96 da Lei 2/2015, de 29 de abril, do emprego público de Galicia, regula a comisión de servizos voluntaria, onde establece que os postos de traballo reservados ao persoal funcionario de carreira pódense prover excepcionalmente e de maneira temporal mediante unha comisión de servizos voluntaria. O artigo 64.6 do Real Decreto 364/1995 de 10 de marzo polo que se aproba o Regulamento Xeral de Ingreso do Persoal ao servizo da Administración Xeral do Estado e de provisión de postos de traballo e promoción profesional dos funcionarios civís da Administración Xeral do Estado establece que

aos funcionarios en comisión de servizos reservaráselles o posto de traballo, o que hai que relacionar que o apartado 8 do art. 4 do Decreto 92/1991 de 20 de marzo polo que se aproba o regulamento de situacións administrativas dos funcionarios da Administración da Comunidade Autónoma de Galicia dispón que a comisión de servizos será desempeñada voluntariamente salvo nos casos de carácter forzoso.

Segunda.- O xefe de Departamento de Xestión de RR.HH. co conforme do director de Economía, Facenda e Réxime Interior, unha vez examinadas as solicitudes recibidas e os CV dos candidatos presentados así como o informe da dirección da Área de Innovación, Emprego e Comercio, remite ao servizo de RR.HH. unha proposta de nomeamento de Dona María Luisa Martínez Pujalte, en comisión de servizos, no posto de xefatura de Departamento de Emprego (ref. posto 202).

Terceira.- Considerando a urxente necesidade de cobertura dun posto de xefatura de Departamento de Emprego na Unidade Organizativa de Emprego (nº ref. 202) e con fin de que non se produza discontinuidade no funcionamento do Servizo de Emprego e Empresa, e tendo en conta o disposto nos arts. 81 e 84 do Real Decreto Lexislativo 5/2015, de 30 de outubro, polo que se aproba o texto refundido da Lei do Estatuto Básico do Empregado Público, o art. 101 da Lei de Bases de Réxime Local e o art. 96 e ss da Lei 2/2015, de 29 de abril, do emprego público de Galicia e o art. 3 do Decreto da Xunta de Galicia 93/1991 de 20 de marzo e demais normas concordantes, así como que a funcionaria proposta reúne os requisitos, procede destinar a Dona María Luisa Martínez Pujalte, en comisión de servizos, ao posto de traballo de xefatura de de Departamento de Emprego na Unidade Organizativa de Emprego, co número 202 na RPT.

Cuarta.- Esta comisión de servizos ten carácter temporal e a súa duración será dun ano. Dita comisión de servizos pode prorrogarse un ano máis ou ata a celebración, no seu caso, do correspondente proceso de provisión de postos. Unha vez terminada esta comisión de servizos, a citada funcionaria volverá ao seu posto de orixe en caso de non obter este posto con carácter definitivo polos sistemas legalmente establecidos.

As características do citado posto de traballo son as seguintes:

Servizo	Código	Unidade Org.	Posto	Ref.Posto	G	N	Esc	C.E.
Emp. E Empresa	PS1000	Emprego	Xef. Departamento	202	A1/A2	26	AX/AE	FR12 ED

Quinta. O posto de orixe de Dona María Luisa Martínez Pujalte, segundo os datos que constan na Relación de Postos de Traballo, descríbese na seguinte táboa:

Servizo	Código	Unidade Org.	Posto	Ref.Posto	G	N	Esc	C.E.
Emp. E Empresa	PS2000	Prom. Eco. E Com.	T. Sup. Prom. Econ..	209	A1	22	AE	FR10

Sexta.- Os custos que xenere esta comisión de servizos atópanse orzados no grupo de programa 241, existindo crédito adecuado e suficiente para iso.

Sétima.- O órgano que ostenta a competencia en materia de persoal, segundo o disposto no art. 127.1. da Lei 7/1985, de 2 de abril, reguladora das Bases de Réxime Local, é a Xunta de Goberno Local. Por acordo da Xunta de Goberno Local de data 28/06/2019 (BOP nº 124 de 03/07/2019), atribúese delegación xenérica en materia de xestión de persoal ao Concelleiro delegado de Economía, Facenda e Réxime Interior.

Á vista do informe emitido polo servizo de Recursos Humanos, o Concelleiro de Economía, Facenda e Réxime Interior por delegación da Xunta de Goberno Local do 28/06/2019 (BOP núm. 124 do 03/07/2019), en uso das facultades que ten conferidas,

RESOLVE:



1.- Destinar a Dona María Luisa Martínez Pujalte (NIF **6642***), en comisión de servizos, ao posto de xefatura de Departamento de Emprego no Servizo de Emprego e Empresa (referencia posto 202). As características do posto a ocupar son as descritas na seguinte táboa:

Servizo	Código	Unidade Org.	Posto	Ref.Posto	G	N	Esc	C.E.
Emp. E Empresa	PS1000	Emprego	Xef. Departamento	202	A1/A2	26	AX/AE	FR12 ED

Os efectos económicos e administrativos desta comisión de servizos serán os do día da formalización da correspondente acta de aceptación.

2.- Esta comisión de servizos ten carácter temporal e a súa duración será dun ano. Dita comisión de servizos pode prorrogarse un ano máis ou ata a celebración, no seu caso, do correspondente proceso de provisión de postos. Unha vez terminada esta comisión de servizos, a citada funcionaria volverá ao seu posto de orixe en caso de non obter este posto con carácter definitivo polos sistemas legalmente establecidos.

3.- Notificar a presente resolución á interesada e ao director da Área de Innovación, Emprego e Comercio.

A Coruña, na data da sinatura electrónica deste documento

A XUNTA DE GOBERNO LOCAL, P.D.

Concelleiro Delegado de Economía, Facenda e Réxime Interior

José Manuel Lage Tuñas

COPIA AUTÉNTICA. El documento electrónico ha sido aprobado. Este documento ha sido firmado por INTERVENCIÓN GENERAL. A YTO A CORUÑA a las 10:00 del día 12/09/2022. Concelleiro Delegado de Economía, Facenda e Réxime Interior (JOSE MANUEL LAGE TUÑAS) a las 10:08 del día 13/09/2022 y por ACTIVIDAD CORPORATIVA. A YTO A CORUÑA a las 10:08 del día 13/09/2022. Mediante el código de verificación 3K1M2S4E3O2F127017YZ, puede comprobar la validez de la firma electrónica de los documentos firmados en la dirección web https://sede.coruna.gal/Anotada en el Libro de Resoluciones por delegación de la JGL con el núm. COR/RES/19831/2022 el 13/09/2022